

Ժամանակակից փոքր զաբարիտի կահույքը գեղեցիկ է ու պարզ: Նա հարմարեցված է փոքր տարածություններին և պորտափակ է:

Բնակչությունը այս կահույքի խոշոր ու հաճախ պահանջ ունի: Կոնստրուկտորական բյուրոն մշակել է նոր մոդելներ, որոնցից լավագույնները ուղարկվելու են Մոսկվա՝ նոր բնակարանների համար կահույք քննարկելու կոնկուրսին:

Ռեսպուբլիկայի կահույքի ֆաբրիկաները յուրացնում են կահույքի նոր նմուշների արտադրությունը: Արդեն թողարկվել են դրանց առաջին պարտիաները: Նորագույն մոդելների կահույքի մասսայական արտադրությունը նախատեսվել է սկսել 1959 թ.: Փոքր զաբարիտի կահույքը թողարկվելու է Ս. Մ. Կիրովի անվան ֆաբրիկան:

ՀԱՅԿԱԿԱՆ ՍՍՌ ՄԻՆԻՍՏՐՆԵՐԻ ՍՈՎԵՏԻ ՊԵՏԱԿԱՆ ԳԻՏԱ-ՏԵԽՆԻԿԱԿԱՆ ԿՈՄԻՏԵՈՒՄ

Ս.թ. սեպտեմբերի 11-ին Հայկ. ՍՍՌ ՊԳՏԿ-ում տեղի ունեցավ խորհրդակցություն էլեկտրահաղորդման գծերը լարման հետևյալ բարձր աստիճանի փոխադրելու հարցի շուրջը, նրանց թողունակությունն ավելացնելու նպատակով:

Այս հարցի առթիվ հաղորդումով հանդես եկավ Հայկ. ՍՍՌ ՊԳՏԿ-ի ծանր արդյունաբերության բաժնի պետ ընկ. Գ. Բ. Դավթյանը: Կանգ առնելով էլեկտրահաղորդման գծերը լարման բարձր աստիճանի փոխադրելու գործում էներգետիկ և նախագծող կազմակերպությունների խնդիրների վրա, ղեկուցողը բերեց քննարկվող հարցի առթիվ կատարվող նախագծային մշակումների մոտավոր ցանկը:

Ժողտնտիստրհի էներգետիկ վարչության գլխավոր ինժեներ ընկ. Գ. Բ. Տեր-Ակոպովը և «Հայգրելագուղէներգույի» շահագործման բաժնի պետ ընկ. Ա. Ս. Մուկացյանը հաղորդեցին այն միջոցառումների մասին, որոնք այդ ուղղությամբ կատարում են իրենց կազմակերպությունները:

Ձեկուցումների շուրջը ծավալվեց մտքերի աշխույժ փոխանակություն, որի հետևանքով որոշում ընդունվեց ՊԳՏԿ-ին կից ստեղծել Հայաստանի բարձրավոլտ էլեկտրահաղորդման գծերի զարգացման մշտական հանձնաժողով: Հանձնաժողովի հիմնական խնդիրները համարվեցին՝ ռեսպուբլիկայի բարձրավոլտ էլեկտրահաղորդման գծերի զարգացման ուղղությունների որոշումը, նրանց նախագծման աշխատանքների կոորդինացումը, բարձրավոլտ էլեկտրահաղորդման գծերի նախագծման, շինարարության և շահագործման հայրենական ու արտասահմանյան փորձի ուսում-

նասիրման և օգտագործման կազմակերպումը, Հայկ. ՍՍՌ Գիտությունների ակադեմիայի էլեկտրատեխնիկայի լաբորատորիայի կողմից բարձրալեռնային գծերի նախագծման ու շահագործման յուրահատուկ հարցերը (մեկուսացում, «պսակ», հողակցում, խանգարումներ և այլն) ուսումնասիրելու գծով կատարվող գիտա-հետազոտական աշխատանքների հետագա ընդլայնումը:

Ս.թ. սեպտեմբերի 26-ին Հայկ. ՍՍՌ ՊԳՏԿ-ն ռեսպուբլիկայի մեքենաշինական, էլեկտրատեխնիկական և սարքաշինական արդյունաբերության ինժեներատեխնիկական աշխատողների համար կազմակերպեց տեխնիկական գիտությունների դոկտոր-պրոֆեսոր Ա.Ն. Բորոդաշևի դասախոսությունը «Տեխնոլոգիական գիտության խնդիրների և բարելավման ուղիների մասին» թեմայով:

Պրոֆ. Բորոդաշևը ներկա գտնվողներին ծանոթացրեց Համամիութենական տեխնոլոգիական վերջին կոնֆերանսների որոշումներին, որտեղ բազմակողմանիորեն քննարկվել են ավտոմատացման տեխնոլոգիական հիմունքները: Այդ կոնֆերանսները օգնեցին բացահայտելու որոշ արտադրական պրոցեսների ավտոմատացման անցնելու աշխատանքներում տեղ գտած մի շարք էական անփութությունները:

«Մեքենաշինության և սարքաշինության առաջավոր տեխնոլոգիայի համար» Համամիութենական գիտա-արտադրական կոնֆերանսը (1958 թ. հունվարի 27-31), մեծ նշանակություն տալով

տեխնոլոգիական գիտութեան զարգացմանը, իր որոշման մեջ նշել է. «Տեխնոլոգիական գիտութեան զարգացումը (որպես գիտութիւն՝ աշխատանքային պրոցեսների ընթացքի և այդ պրոցեսների պարամետրների ռացիոնալ ընտրման, դրանք կառավարելու մեթոդների ու միջոցների օրինաչափութիւնների մասին) ՍՍՌՄ-ում և արտասահմանում տեղի է ունենում անհամաչափ, ոչ բավարար չափով կոմպլեքսային ու մի շարք հարցերում զգալիորեն ետ մնում ժամանակակից տեսական գիտութիւնների (ֆիզիկա, քիմիա, մեխանիկա, մաթեմատիկա և այլն) մակարդակից: Այն բանի հետևանքով, որ նախորդ օպերացիաները օպտիմալ չեն հաշորդ օպերացիաների համար և նկատի ունենալով նրանց անկայունութիւնը, դրանք չեն կարող այդ հաշորդ ստադիաների համար ընդունվել որպես սկզբնական պայմաններ: Տեխնոլոգիական պրոցեսի կցվածներում նկատվում են խզումներ: Նման խզումները արագորեն վերացնելու նպատակով դրվում է խոշոր և միջին մեքենաշինական ու սարքաշինական գործարաններում կոմպլեքսային կենտրոնական տեխնոլոգիական լաբորատորիաներ ստեղծելու անհրաժեշտութեան հարցը: Այդ լաբորատորիաների կազմի մեջ մտնում են առանձին լաբորատորիաներ ու էքսպերիմենտալ արհեստանոցներ կամ տվյալ արտադրութեան համար հիմնական տեխնոլոգիական պրոցեսների ցեխեր և տեխնոլոգիական ճշտութեան ու տեխնիկա-տնտեսական անալիզի սեկտորներ:

Այնուհետև պրոֆ. Ա. Ն. Բորոդաչևը կանգ առավ արտադրական ցուցանիշների վերլուծման բալանսային մեթոդի իր աշխատութեան վրա:

«Ավտոմատ ռատորային գծերի աշխատանքի մասին» հաղորդումով հանդես եկավ դոցենտ Ա. Կ. Կուտայը (Լենինգրադ):

Դասախոսութիւնը կրում էր սեմինարի բնույթ և նրա ընթացքում զեկուցողը պատասխանեց ներկա գտնվողների բազմաթիւ հարցերին:



Ռեսպուբլիկայում հեղիտեխնիկայի զարգացման ընդհանուր խնդիրները քննարկելու համար ս.թ. սեպտեմբերի 27-ին կայացավ Հայկ. ՍՍՌ ՊԳՏԿ-ի հեղիտեխնիկայի գծով հանձնաժողովի ղեկավարած նիստ: Նիստում լսվեց ՍՍՌՄ Գի-

տութիւնների ակադեմիայի էներգետիկ ինստիտուտի դիրեկտորի տեղակալ, տեխ. գիտ. դոկտոր-պրոֆեսոր Վ. Ա. Բաումի հաղորդումը՝ ՍՍՌՄ-ում և արտասահմանում արեգակնային էներգիայի օգտագործման ուղղութեամբ կատարվող աշխատանքների դրութեան մասին: Պրոֆ. Վ. Ա. Բաումը մանրամասնորեն կանգ առավ ճառագայթային էներգիայի օգտագործման ժամանակակից տեխնոլոգիաների վրա, այդ էներգիան անմիջականորեն ամեն մի այլ տեսակի էներգիայի փոխակերպելու կամ այն հետևողականորեն տրանսֆորմացիայի ենթարկելու միջոցով: Օգտագործման այդ երկու եղանակներն էլ արժանի են համասար ուշադրութեան և ժողովրդական տնտեսութեան մեջ արմատավորելուն:

Զեկուցողը նշեց, որ արդյունաբերութեան մի շարք ճյուղերում արևի էներգիայի օգտագործումն արդեն տնտեսապես արդարացնում է իրեն, իսկ մյուս ճյուղերում նույնիսկ անփոխարինելի է: Օրինակ, մաքուր մթնոլորտում մոտ 3000—3500 ջերմաստիճանի ստացումը հնարավոր է միայն արեգակնային վառարաններում: Այդ վառարանները կարող են մեծ դեր խաղալ ներկայումս Հայաստանում կազմակերպվող կիսահաղորդիչների արդյունաբերական արտադրութեան մեջ, բարձր կրակադիմացկուն կերամիկա, մաքուր կվարց և համաձուլվածքներ ստանալու գործում:

Մտքերի փոխանակութեան ընթացքում արտահայտվեց մի ընդհանուր տեսակետ՝ հեղիտեխնիկայի կենտրոնական էքսպերիմենտալ բազայի և Այդր լճի մոտ գտնվող արեգակնային փորձնական արդյունաբերական ջերմակայանի շինարարութեան արագացման անհրաժեշտութեան մասին:

Նշվեց նաև արտադրութեան մեջ եղած հետամնացութիւնը հաղթահարելու և պարզապէս հեղիտեղակայումները՝ ջրատաքացուցիչները, չորանոցները, խոհանոցները և այլն կենցաղի մեջ արմատավորելու անհրաժեշտութիւնը: Արտահայտված կարծիքների հիման վրա նիստը որոշեց ճշտել հանձնաժողովի աշխատանքային պլանը:

Հայկ. ՍՍՌ ԳՏԿ-ի և էներգետիկ արդյունաբերութեան գիտա-տեխնիկական ընկերութեան Հայկական վարչութեան կողմից 1958 թ. վերջերին արեգակնային էներգիայի գծով ռեսպուբլիկական կոնֆերանս հրավիրելու պլանը ստացավ ներկա գտնվողների հավանութիւնը: